

王氏合校本經注

冊十

水經注卷二十

長沙王氏校本

後魏酈道元撰

漾水 丹水

漾水出隴西氏道縣蟠冢山東至武都沮縣為漢

水

孫校曰漢水上疑脫西字蔡君但有西漢水而無江夏入漢之漢水今誤合之又曰星衍案說文與班志是漢與沮二水也

常璩華陽國志朱趙作記曰漢水有二源東源出武都

氏道縣漾山為漾水禹貢導漾東流為漢是也

西源出隴西西縣蟠冢山

官本曰按近刻脫西縣二字案朱脫趙增刊誤曰隴西下落西縣二字漢書地理

志校補會白水逕葭萌入漢

官本曰按白水二字原本及近刻訛作一泉字今改正案朱訛趙改刊誤曰泉胡渭曰當是

白水之誤

始源曰沔按沔水出東狼谷逕沮縣入漢漢

中記曰蟠冢以東水皆東流蟠冢以西水皆西

流即其地勢源流所歸故俗以蟠冢為分水嶺

即此推沔水無西入之理劉澄之二云有水從阿

陽縣

官本曰按阿近刻訛作沔

案朱作沔箋曰宋本作河陽趙改河釋曰一清按漢書高帝紀師古曰阿陽天水之縣也今流俗書本或作河陽者非也章懷後漢書注亦云然則寫阿陽爲河陽其來舊矣

南至梓潼漢壽入大穴暗通岡山郭

景純亦言是矣岡山穴小本不容水水成大澤

而流與漢合庾仲雍

朱趙作邕

又言漢水自武遂川南

入蔓葛谷越野牛逕至關城

官本曰按近刻訛作開城案朱趙作開

合西漢

水

孫校曰卽通谷水

故諸言漢者多言西漢水至葭萌入漢

又曰始源曰沔是以經云漾水出氐道縣東至

沮縣爲漢水東南至廣魏白水

朱箋曰凡廣魏宋本俱作廣漢

診其沿

注似與三說相符而未極西漢之源矣然東西

兩川俱受沔漢之名者義或在茲矣班固地理

志司馬彪袁山松郡國志並言漢有二源東出

氐道西出西縣之蟠冢山闕駟云漢或爲漾漾

水出岷崙西北隅至氐道重源顯發而爲漾水

孫校曰其說本高誘

又言隴西西縣

官本曰按近刻脫一西字趙增刊誤曰隴西下當重一西字

案朱脫

蟠冢山

在西西漢水所出南入廣魏白水又云漾水出

獮

朱趙作獮下同

道東至武都入漢許慎呂忱並言漾水

出隴西獮道東至武都為漢水不言氏道

孫校曰此或字誤何

足駁也若許言出天水獮道乃謬耳

然獮道在冀之西北

官本曰按獮道冀前漢並屬天水後漢並屬漢陽

又

隔諸川無水南入疑出獮道之為謬矣

朱箋曰漢地理志獮道縣在天

水郡應劭云獮戎邑也音完

又云漢漾也東為滄浪水山海經曰蟠

冢之山漢水出焉而東南流注于江

趙作

然東西

兩川俱出蟠冢而同為漢水者也孔安國曰泉

始出為漾其猶濛耳而常璩專為漾山漾水當

是作者附而為山水之殊目矣余按山海經漾

水出崑崙西北隅而南流注于醜

朱作配箋曰山海經作醜塗趙改醜

塗

之水穆天子傳曰天子自春山

朱春作春趙改刊誤曰穆天子傳作春山

西征

至于赤烏氏己卯北征庚辰濟于洋水辛巳入

于曹奴曹奴人戲觴天子于洋水之上

官本曰按近刻脫曹奴二字入

上有之字案朱同箋曰當云辛巳入于曹奴曹奴之人戲觴天子今穆天子傳亦缺曹奴二字遂不可句趙增曹奴二字不刪之字乃獻良馬九

百牛羊七千天子使逢固受之天子乃賜之黃

金之鹿戲乃膜拜而受余以太和中從高祖北

巡狄人猶有此獻雖古今世殊而所貢不異然

川流隱伏卒難詳照地理潛閔變通無方復不

可全言闕氏之非也

趙釋曰何氏曰山海經洋音詳不可竟指爲漾以證闕駟之說

雖津流派

別枝渠勢懸原始要終潛流或一故俱受漢漾

之名納方土之稱是其有漢川漢陽廣漢漢壽

之號或因其始或據其終縱異名互見猶爲漢

漾矣川共目殊或亦在斯今西縣蟠冢山西漢

水所導也然微涓細注若通纂厯津注而已西

流與馬池水合水出上邽西南六十餘里謂之

龍淵水言神馬出水事同余吾來淵之異

朱作徐吾
箋曰徐吾

當作余吾漢書元狩二年馬生余吾水中元鼎四年馬生渥注水中應劭注云余吾在朔方趙
改徐吾刊誤曰箋曰徐吾當作余吾漢書應劭註余吾在朔方按山海經作徐吾與徐字爲近

故因名焉開山圖曰隴西神馬山有淵池龍馬

所生卽是水也其水西流謂之馬池川又西流

入西漢水西漢水又西南流左得蘭渠溪水次

西有山黎谷水次西有鐵谷水次西有石耽谷

水次西有南谷水竝出南山揚湍北注右得高

望谷水次西得西溪水次西得黃花谷水咸出

北山飛波南入西漢水又西南資水注之水北

出資川導源四壑南至資峽總爲一水出峽西

南流注西漢水西漢水又西南得峽石水口水

出苑亭西草黑谷

朱作曰草里谷箋曰宋本作苑
亭西草黑谷趙依宋本改

三溪西南至

峽石口合為一瀆東南流屈而南注西漢水西

漢水又西南合楊廉川水水出西谷衆川瀉流

合成一川東南流逕西縣故城北秦莊公伐西戎

破之周宣王與其先大駱犬邱之地官本曰按近刻脫先字案朱趙無為西垂大夫

亦西垂宮也官本曰按宮近刻訛作官案朱訛趙改刊謬王莽之西治矣建

武八年世祖至阿陽官本曰按阿陽近刻訛作陽河案朱訛趙乙刊謬實融

等悉會天水震動隗囂將妻子奔西城從楊廣廣死囂愁失作孤箋曰舊

本作愁趙改愁窮城守時潁川賊起車駕東歸留吳漢岑彭圍囂岑等壅

西谷水以縑幔盛土為堤灌城城未沒丈餘水穿壅不行地中

數丈涌出故城不壞王元請蜀救至官本曰按近刻脫王元二字案朱脫

當補王元二字漢等退還上邽但廣廉字相狀後人因以人名名之故習

譌為楊廉也官本曰按譌近刻作偽案朱訛趙改置楊廉縣焉又東南流右會

茅川水水出西南戎溪東北流逕戎邱城南吳

漢之圍西城王捷登城向漢軍曰為隗王城守者皆必死無二

心願諸將亟罷趙刊誤曰箋曰宋本作亟還按請自殺以明之遂刎頸而

死又東北流注西谷水亂流東南入于西漢水

西漢水又西南逕始昌峽官本曰按近刻此下有始昌縣故城西六字係衍文重出案朱趙同趙增直字刊

誤曰始昌上全氏校增直字晉書地道記曰天水始昌縣故城西也趙城西改西城刊誤曰城西當倒互

作西城漢西縣晉改曰始昌屬天水郡見晉書地理志亦曰清崖峽西漢水又西南逕宕

朱作巖箋曰巖宋本作宕趙改宕下並同備戍南左則宕備水自東南西北注

之右則鹽官水南入焉水北有鹽官官本曰按近刻脫北字案朱脫趙增刊誤曰水下

全氏校增北字在蟠冢西五十許里相承營煮不輟味與海鹽同故地理

志云西縣有鹽官是也孫校曰今無此三字其水東南逕宕備戍西

東南入漢水漢水又西南合左谷水水出南山

窮溪北注漢水又西南蘭臯官本曰按臯近刻訛作軍宋本訛作單案朱作軍趙改臯刊誤曰箋曰

蘭軍字誤宋本作蘭單而下文又有蘭坑疑作蘭坑按非也方輿紀要云鞏昌府成縣有蘭臯戍蕭子顯曰武興西北有蘭臯戍去仇池二百里宋元嘉十九年遣裴方明等伐仇池楊難當

遣其將符宏祖守蘭皋是也元豐九域志階州將利縣有蘭皋鎮

水出西北五交谷

官本曰按出下近刻衍于字案朱趙有又朱

無五字箋曰宋本作五交谷趙增五字

東南歷祁山軍東南入漢水漢水又

西南逕祁山軍南雞水南出雞谷

官本曰按南出近刻訛作出南案朱訛趙改刊誤

曰出南二字當倒互

北逕水南縣西北流注于漢漢水又西建

安川水入焉其水導源建威西北山白石戍東

南二源合注

官本曰按源下近刻衍水字案朱衍趙刪刊誤曰水字衍文

東逕建威城南又

東與蘭坑水會水出西南近溪東北逕蘭坑城

西東北流注建安水建安水又東逕蘭坑城北

建安城南其地故西縣之歷城也楊定自隴右徙治歷城

卽此處也去仇池

朱趙有一字

百二十里後改爲建安城其水又

東合錯水水出錯水戍東南而東北入建安水

建安水又東北有雉尾谷水又東北有太谷水

又北有小祁山水竝出東溪揚波西注又北左

會胡谷水水西出胡谷東逕金盤厯城二軍北

軍在水南層山上其水又東注建安水建安水

又東北逕塞峽元嘉十九年宋太祖遣龍驤將軍裴方明

伐楊難當難當將妻子北奔

官本曰按近刻脫難當二字案朱脫趙增刊誤曰全氏云于文當重難當二字安西

參軍魯尚期

官本曰按軍近刻訛作將改刊誤曰宋書氏胡傳作參軍

案朱訛趙追出塞峽卽是峽矣左

山側有石穴洞入言潛通下辨所未詳也其水出峽西北

流注漢水漢水北連山秀舉羅峯競峙祁山在

蟠冢之西

朱蟠作璠趙改刊誤曰璠冢之璠當从山作蟠

七十許里

朱作七十里里箋曰宋本作七十許里無里字趙依宋本

山上有城極爲巖固昔諸葛亮攻祁山卽斯城也漢

水逕其南城南二里有亮故壘壘之左右猶豐茂宿草蓋

亮所植也在上邽西南二百四十里

孫校曰當是今禮縣之境

開山圖曰漢陽

西南有祁山蹊逕逶迤

官本曰按蹊近刻訛作溪曰溪徑之溪當从足作蹊或从彳作徯

案朱訛趙改刊誤山高巖

險九州之名阻天下之奇峻今此山于衆阜之中亦非爲傑矣

漢水又西南與甲

朱作申箋曰宋本作甲趙改甲下同

谷水合水出西南

甲谷東北流注漢水漢水又西逕南呀北呀中

官本曰按近刻訛作南呀北中呀之六字案朱同趙改不刪之字又朱作岸趙改呀刊誤曰箋曰岸宋本作呀按此文多誤當作漢水又西逕南呀北呀之中句中字移在字之下

上下有二城相對左右墳壠低昂巨山被阜古諺

朱趙作語朱箋云一作諺

南呀北呀萬有餘家諸葛亮表言祁山去沮縣五百里

官本曰按去沮縣近

刻訛作縣出祖脫里字

案朱說脫箋曰宋本云祁山縣去沮五百里趙改同官本刊誤曰祁山未嘗置縣此縣字當移在去沮之下

有民萬戶矚其

邱墟信為殷矣漢水西南逕武植戍南武植戍水

發北山二源奇發合于安民戍南又南逕武植

戍西而西南流注于漢水漢水又西南逕平夷

戍南又西南夷水注之水出北山南逕其戍西

南入漢水漢水又西逕蘭倉城南

孫校曰地形志漢陽郡有蘭倉縣有雷午山黃帝祠

又南右會兩溪俱出西山東流注于漢水張華

博物志云溫水出烏鼠山下注漢水疑是此水

而非所詳也漢水又南入嘉陵道而為嘉陵水

世俗名之為階陵水

官本曰按世上近刻衍然字案朱衍趙刪又朱階作皆趙改刊誤曰箋曰皆作階按然字衍文孫校曰

地形志漢陽郡有階陵縣

非也漢水又東南

朱有右字箋曰右字疑衍舊本作名吳改作右趙刪

得北谷

水又東南得武街水

官本曰按近刻訛作城階水案朱同趙改武階水朱無又字趙增刊誤曰箋曰孫云疑作武階按東南

上落又字孫潛校增

又東南得倉谷水右二水並出西溪東流

注漢水漢水又東南逕瞿堆西

孫校曰常璩漢中志武都郡有瞿堆百頃

又屈

逕瞿堆南絕壁峭峙孤險雲高望之形若覆唾壺

官本曰按近刻脫唾字壺

下衍其字案朱趙同

高二十餘里羊腸蟠道三十六迴開山圖謂之仇夷

所謂積石嵯峨嶽岑隱阿者也上有平田百頃煮土成鹽因以

百頃為號山上豐水泉所謂清泉湧沸潤氣上流者也漢武帝

元鼎六年開以為武都郡天池大澤在西故以都為目矣

官本曰按近刻

脫以字案朱脫趙增刊誤曰故下落以字御覽引此文校增

王莽更名樂平郡縣曰循虜

官本曰按此下近刻衍縣字案朱

衍趙刪刊誤曰下縣字衍文

常璩范曄云郡居河池一名仇池池方百頃即指此

也孫校曰今仇池山在成縣西北成縣故漢下辨治左右悉曰馬氏矣漢獻帝建安中有天水

氏楊騰者世居隴右為氏大帥趙改太師刊誤曰大帥當作太師太平實字記校改子駒勇健多

計徙居仇池魏拜為百頃氏王漢水又東合洛谷水水

有一源官本曰按近刻訛作合洛谷谷有二源案朱同箋曰李同注一壑

逕神蛇戌西官本曰按同上近刻衍合字逕訛作於案朱同趙刪合仍於字刊誤曰合字衍文左右山溪多五色

蛇性馴良不為物毒洛谷水又南逕虎樵戌東又南

逕仇池郡西瞿堆東西南入漢水漢水又東合

洛溪水官本曰按溪近刻訛作漢下同案朱趙作漢趙刊誤曰箋曰孫云洛漢當作洛溪按孫說非也方輿紀要輦昌府成縣即故武都郡治也有六漢水即洛漢

水也其水源出西和縣境即漢縣諸道地流逕成縣之六漢堡又西入西漢水六與洛音相近馬融廣成頌瀆以榮洛叶屋韻亦與六同盧各切讀也水北發

洛谷南逕威武戌南又西南與龍門水合水出

西北龍門谷東流與橫水會東北窮溪即水源

也又南逕龍門戌東又東南入洛溪水又東南

逕上祿縣故城西脩源濬導逕引北溪南總兩

川單流納漢漢水又東南逕濁水城南又東南

會平樂

趙作洛

水水出武街

朱趙作階朱箋曰宋本作水出武源壩按下文數舉武街知階當作街而宋本自誤耳十六國

春秋亦作武街孫校曰地形志有武階郡

東北四十五里更馳南溪導源東北

流山側有甘泉涌波飛清

官本曰按近刻訛作流案朱訛趙改刊誤曰流黃省會本作清

下

注平樂水

官本曰按樂近刻訛作洛下同案朱趙作洛下同

又逕甘泉戍南又東逕

平樂戍南

趙釋曰一清按漢志武都郡有平樂道即平洛戍也道元時其縣已廢省矣孫校曰地形志脩武郡有平洛縣太和四年置

又東

入漢謂之會口漢水東南逕脩城道南

孫校曰脩城疑當為脩武

與脩水合水總二源東北合漢漢水又東南于

槃頭郡南

孫校曰地形志有槃頭郡

與濁水合水出濁城北東流

與丁令溪水會其水北出丁令谷南逕武街城

西東南入濁水濁水又東逕武街

孫校曰街當作階

城南故

下辨縣治也李玲李稚

官本曰按玲近刻訛作倉案朱趙作倉說見下

以氏王楊難敵妻死

葬陰平

官本曰按楊難敵近刻訛作楊敵堅案朱趙同朱箋曰按華陽國志十六國春秋並云氏王楊茂搜子難敵堅頭為劉曜所破奔晉壽守將李稚受其賂遺不送

成都遣難敵兄弟還武都遂即叛雅與兄待中珍攻難敵由白水橋進攻下辨而珍弟奔攻陰平難敵遣軍拒奔而珍雅徑至下辨武街難敵絕其歸路四面攻之深入無繼皆為氏衆所殺此云楊敵堅妻死葬陰平所未詳也趙澤曰一清按華陽國志十六國春秋李倉作李珍又氏王楊難敵堅頭乃兄弟二人此云楊敵堅蓋誤文也 襲武街為氏

所殺于此矣今廣業郡治 官本曰按魏書地形志槃頭郡廣業郡皆屬東益州後凡數見又云東益州之廣業郡朱謀煒于其下並云宋

本作廣漢蓋此書為宋人臆改者甚多故宋本亦往往不足據證 趙刊誤曰箋曰宋本作廣漢按非也方輿紀要鞏昌府成縣下云後魏析下辨道地置廣業郡領白石等縣魏書地形志廣業郡隸東益州後並同 濁水又東宏休水注之 朱箋曰休世本作體蓋休水寫之誤今據宋本改正 水

出北溪 官本曰按近刻訛作水北出溪 案朱趙同 南逕武街城東而南流注

于濁水濁水又東逕白石縣南續漢書曰虞詡為武

都太守下辨東三十餘里有峽峽中白水生大石 趙白水改有泉二字刊誤曰箋曰白

一作當按非也御覽引此文是峽中有泉生大石今校正 障塞水流春夏輒潰溢敗壞城郭詡使燒

石以醢灌之 官本曰按醢近刻作水 案朱作水趙改醋刊誤曰御覽引此文水作醋新唐書地理志云嚴礪自長舉縣西疏嘉陵江二百里焚巨石沃醢以灌

之通漕以饋成州戍兵即詡之遺法也後漢書注亦誤作水字 石皆破裂因鑄去焉 朱箋曰破裂舊本作淬裂後漢書虞詡傳注引續書云以水灌

之石皆破裂因鑄去石 遂無泛溢之害濁水即白水之異名也 孫校曰見山海經

濁水又東南泥陽水 官本曰按濕近刻訛作渥下同 案朱訛趙改刊誤曰方輿紀要鞏昌府成縣下云泥陽川在縣東五十

里祝穆云水自天水谷發源東南流至泥陽鎮與栗亭水合東南入徽州界注嘉陵江隋志後魏置泥陽縣西魏廢入同谷卽此處也與地形志北地郡之泥陽縣蓋異地而同名此縣旋置旋廢魏收故不錄之渥字誤北出渥谷南逕白石縣東而南入濁水

濁水又東南與仇鳩水合水發鳩溪南逕河池

縣故城西王葬之樂平亭也其水西南流注濁水

濁水又東南與河池水合水出河池北谷南逕

河池戍東西南入濁水濁水又東南

雨當水注之

孫校曰兩當縣今屬秦州水經其南縣卽秦故道縣又曰兩當水金阜昌石刻以爲嘉陵水蓋誤也

水出陳

倉縣之大散嶺西南流入故道川

孫校曰太平實宇記樂泉縣黃花川水經云大散水

流入黃花川謂之故道水西南逕故道城東魏征仇池築

以置戍與馬鞍山水合水東出馬鞍山厯谷西

流至故道城東西入故道水西南流北川水注

之水出北洛櫛山南南流逕唐倉城下南至困

冢川入故道水故道水又西南厯廣香交合廣

香川水水出南田縣

孫校曰田疑當為由

利喬山

趙釋曰一清按郡國志劉昭補注引秦州記曰上邽

縣北有利山川中平地有土堆高五丈生細竹翠茂殊常二楊樹大數十圍百姓祀之朱氏謀埠箋曰利一作穆未知所據

南流至廣香川

謂之廣香川水

趙釋曰一清按蕭齊建元元年葭萌戍主楊廣香請降以為沙州刺史川蓋以人得名

又南注

故道水謂之廣香交故道水又西南入秦岡山

尚婆水注之山高入雲遠望增狀若嶺紆曦軒峯枉月駕

矣

官本曰按枉近刻訛作駐案朱訛趙改刊誤曰駐黃省會本作枉孫潛云柳僉本同

懸崖之側列壁之上有神象

若圖指狀婦人之容其形上赤下白世名之曰聖女神至于福

應愆違方俗是祈水源北出利喬山南逕尚婆川

謂之尚婆水

趙釋曰一清按元和郡縣志云尚婆水本名石磬水水多磬石因以為名俗語音訛故云尚婆

歷兩當縣

之尚婆城南魏故道郡治也

孫校曰地形志故道郡延興四年置

西南至秦岡

山

官本曰按近刻脫秦岡二字案朱脫趙增刊誤曰至下落秦岡二字全氏校補

入故道水故道水又右

會黃盧山水

官本曰按又右會近刻訛作右又合案朱同趙改又右合刊誤曰右又二字當互易

水出西北

天水郡黃盧山腹歷谷南流交注故道水故道